

VENDIM
Nr. 26/2013

**PËR NGRITJEN E KOMISIONIT HETIMOR DHE CAKTIMIN E OBJEKTIT, PËRBËRJES
DHE AFATIT TË VEPRIMTARISË SË TIJ PËR HETIMIN E FAKTEVE, RRETHANAVE DHE
PËRGJEGJËSIVE TË INCIDENTIT TË DATËS 24 PRILL 2013 PRANË AKADEMISË
DIPLOMATIKE TË VJENËS**

Në mbështetje të neneve 77 dhe 78 të Kushtetutës, neneve 8 dhe 9 të ligjit nr. 8891 datë 2.5.2002 “Për organizimin dhe funksionimin e komisioneve hetimore”, si dhe të neneve 25 dhe 55 të Rregullores së Kuvendit, me propozimin e një grupi deputetësh të Grupit Parlamentar të Partisë Demokratike,

KUVENDI
I REPUBLIKËS SË SHQIPËRISË

VENDOSI:

I. Ngritjen e komisionit hetimor të Kuvendit për hetimin e fakteve, rrethanave dhe përgjegjësive të incidentit të datës 24 prill 2013 pranë Akademisë Diplomatike të Vjenës.

II. Objekti i punës së komisionit hetimor është:

a) hetimi për zbardhjen e plotë të fakteve dhe rrethanave të incidentit të datës 24 prill 2013 pranë Akademisë Diplomatike të Vjenës;

b) hetimi i plotë i veprimeve dhe përgjegjësive të individëve të përfshirë në incidentin e datës 24 prill 2013 pranë Akademisë Diplomatike të Vjenës;

c) në vartësi të rezultateve të hetimit, të përpunojë rekomandime Kuvendit të Shqipërisë për rivendosjen e dinjitetit të shtetit shqiptar.

III. Komisioni hetimor parlamentar përbëhet nga 9 deputetë. Kryetari i përket Partisë Demokratike. Përbërja e komisionit është si më poshtë:

1. Fatbardh Kadilli	Kryetar (PD)
2.	Zëvendëskryetar(PS)
3. Paulina Hoti	Anëtar
4. Osman Metalla	“
5. Gert Bogdani	“
6. Luçiano Boçi	“
7.	“
8.	“
9.	“

IV. Komisioni e ushtron veprimtarinë e tij për një afat 1-mujor nga miratimi i këtij vendimi.

V. Ngarkohen Kryetarja e Kuvendit dhe Sekretari i Përgjithshëm të krijojnë kushtet e nevojshme logjistike për veprimtarinë normale të këtij komisioni.

VI. Ky vendim hyn në fuqi menjëherë.

KRYETARE
Jozefina Topalli (Çoba)

Miratuar në datën 29.4.2013